

ORDENANZA FISCAL N° 11

Ordenanza Fiscal Reguladora da Taxa por Licencias de Auto Taxis e demais Vehículos de Alugueiro

Artigo 1º. - Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das bases de réximen local, e de conformidade co disposto nos artigos 15 a 19 da Lei 39/1988, de 28 de decembro, reguladora das facendas locais, este Concello establece a "taxa por licencia de auto taxis e demais vehículos de alugueiro", que se rexerá pola presente ordenanza fiscal, as normas da cal atenden ó prevenido no artigo 58 da citada Lei 39/1988.

Artigo 2º. - Feito imponible.

Constitúe o feito imponible desta taxa a prestación dos servizos e a realización das actividades que, en relación coas licencias de auto taxis e demais vehículos de alugueiro a que se refire o Regulamento aprobado polo Real decreto 763/1979, de 16 de marzo, que se sinala a continuación:

- a) Concesión e expedición de licencias
- b) Autorización para transmisión de licencias, cando proceda o seu outorgamento, consonte á lexislación vixente.
- c) Autorización para substitución dos vehículos afectos ás licencias, ben sexa este cambio de tipo voluntario ou por imposición legal.
- d) Revisión periódica ou extraordinaria dos vehículos.
- e) Expedición do permiso municipal de conducir.

Artigo 3º. - Suxeito pasivo.

Están obrigados ó pagamento da taxa, en concepto de suxeitos pasivos contribuíntes, as persoas físicas ou xurídicas e as entidades a que se refire o artigo 33 da Lei xeral tributaria:

- a) A persoa ou entidade a favor da cal se outorgue a concesión e expedición da licencia, ou a favor da cal se autorice a transmisión de dita licencia.

- a) O titular da licencia o vehículo da cal sexa substituído ou obxecto de revisión.

Artigo 4º. - Responsables.

Responderán solidaria e subsidiariamente deste tributo as persoas físicas ou xurídicas a que se refiren os artigos 38, 39 e 40 da Lei xeral tributaria.

Artigo 5º. - Cota tributaria.

A cota tributaria determinarase por unha cantidade fixa de acordo coa seguinte tarifa:

- a) Concesión e expedición de licencias de auto taxis e servizos especiais, 3.219 euros.
- b) Autorización para transmisión de licencias:
- Transmisión "ínter vivos", 3.219 euros.
 - Transmisión "mortis causa", 321,90 euros.
 - Transmisión ó cónxuxe ou herdeiros forzosos en vida do titular, por xubilación ou incapacidade deste, 644 euros.
- c) Autorización para substitución de vehículos, 21,50 euros.
- d) Revisión de vehículos, 27,60 euros.
- e) Permiso municipal de conducir, 15,33 euros.
- f) Concesión e expedición de licencias de servizos públicos de transporte lixeiro en vehículos de carga, 459,80 euros.

Artigo 6º. - Exencións e bonificacións.

Non se concederá ningunha exención ou bonificación no pagamento da taxa.

Artigo 7º. - Devengo.

1. Devéngase a taxa e nace a obriga de contribuír nos casos sinalados nas letras a), b) e c) do artigo 2º, na data que este Concello conceda e expida a correspondente licencia ou autorice a súa transmisión, ou que autorice a substitución do vehículo.

2. Cando se trate da prestación dos servizos de revisión dos vehículos, a taxa devengarase no momento en que se inicie aquela prestación, entendendo, para os efectos, que dita iniciación se produce coa solicitude dos mesmos.

Artigo 8º. - Declaración e ingreso.

1. A realización das actividades e a prestación dos servizos suxeitos a esta taxa levaranse a cabo a instancia de parte, a excepción da revisión de vehículos que poderá realizarse de oficio.

2. O solicitante presentará a declaración-liquidación da taxa e xustificante de ter ingresado a cota tributaria ó mesmo tempo que efectúe a correspondente solicitude.

Artigo 9º. - Infraccións e sancións.

En todo o relativo á cualificación de infraccións tributarias, así como das sancións que ás mesmas corresponden en cada caso, estarase ó disposto nos artigos 77 e seguintes da Lei xeral tributaria.